

Эрдни-шишән ик ургъц авхар

Элст балгъсна „Победа“ колхозин бригадсар эрдни-шишә тәрлгәнә гургу болдж йовна. Колхоз эн джил түрүн болдж эрдни-шишәг термлдж тәрлгәнә эвәр кеджәнә. Утуршдан 1400 гектар газрин агъуд эрдни-шишә тәргдхмн.

Эрдни-шишә тәрдж ургъалгъна цуг кӧдлмшиг диилвртәгъяр кехин төлә 14 звено бӱрдәгдв, теднә негнь сургъульчирин звено. Звенос болгънд тәрлгәнә агрегатс, тәргдх газрнь болн кӧдлх колхозникуд йилгъгддж батлгдв.

Эрдни-шишә тәрдж ургъалгъна звенос эрдни-шишән тәрәнә гектар болгънас 20 центнер буудя, 150 центнер кӧк ургъмл авх даалгъвр авцхав.

Зоя Овчарован звенод шу-

лун-шудрмг, әдл-әдл ургъцта джиргълин байрта 10 куӱкн бәәнә. Эн звено теет март сарас авн кӧдлджәнә. Звено эврәннь 39 гектар газртан малин 280 тонн бог-шег зӧв, эс гидж гектар болгънд 7,2 тонн зӧвгдв.

Эрдни-шишә термлдж тәрлгәнә түрүн борозлань 2-ч бригадин бригадир ӱр А. Е. Репкина гардврт татгдв. Термлдж тәрлгәнә сеялкин уццн мет го мӧринь ӱзчкәд, бригадин улс цугтан байрлцхав.

—Иим дигтә сәәнәр кегдсн кӧдлмш ашан ӧглго бәәшго, гектар болгънас 20-д центнер буудя авх даалгъвран лавта куӱцәхвлн,—гидж звенон толгъач Овчарова келв.

Д. ПАВЛОВ.